PROJETO EDUCATIVO SEMENTE

A GERAÇOM DAS MIL PRIMAVERAS MAIS








ÍNDICE

1.	INTRODUÇOM	2
2.	A SEMENTE EM NÚMEROS	3
3.	PROJETO EDUCATIVO E LINGUÍSTICO	3
	3.1. A necessidade da imersom linguística na Galiza.	5
	3.2. Um método em desenvolvimento	5
	3.3. Actuaçons com maes e pais	6
	3.4. Diminuiçom da pressom linguística em crianças castelhano-falantes.	7
	3.5. Metodologias cooperativas.	8
	3.6. A direçom do professorado	9
	3.7. Valorizaçom do plurilinguismo e da interculturalidade	9
	3.8. Enquadramento na lusofonia.	9
	3.9. Avaliaçom	10
4.	GESTOM	10
5.	DINAMIZAÇOM CULTURAL	11
6.	PRODUÇOM EDITORIAL	14
7.	COESOM DA COMUNIDADE GALEGO-FALANTE	15
8.	DESAFIOS PARA O FUTURO	15



1. INTRODUÇOM

O Projeto Educativo Semente surge como resposta a umha vulneraçom sistemática dos direitos linguísticos das crianças galegas. Nomeadamente, o D.79/2010 de plurilinguismo catalisou a energia dos movimentos sociais para a construçom dumha alternativa educativa autogerida e sem fins lucrativos. Foi em novembro de 2011, no seio do C.S. A Gentalha do Pichel, onde se formulou a ideia de construir, junto a outros projetos, as bases necessárias dumha Escola Nacional Galega. No entanto, o nascimento dumha iniciativa educativa popular no nosso país nom foi um acontecimento novo, fai parte dum alargado ronsel galeguista no qual salientamos as Escolas de Ensino Galego, fundadas em 1923 polas Irmandades da Fala, as Escolas de Indianos ou as Escolas ligadas ao sindicalismo revolucionário do início do S.XX. Na atualidade, do mesmo jeito que as Bressolas na Catalunha Norte ou as Ikastolas no País Basco, a Semente fai possível que o nosso País seja uma naçom mais da Europa que constrói o futuro da sua língua através da iniciativa popular autogerida.



Projetos de imersom linguística na Europa.



2. A SEMENTE EM NÚMEROS

Esta iniciativa tem um carácter social, sem fins lucrativos, e está ligada a umha densa rede associativa que favoreceu a sua expansom: em 2013 criam-se dous centros em Trasancos e Vigo, em 2016 um em Lugo e, em 2018, outro na Corunha. Igualmente, produziu-se um incremento no número de matrículas: de 3 crianças em 2011 a 140 em 2020.

Centro	Lugar	Etapas educativas
Semente Lugo	Barbaim, Lugo	Infantil
Semente Trasancos	Aldeia do Roxal, Neda	Infantil e Primária
Semente Corunha	Corunha	Infantil
Semente Compostela	Santiago	Infantil e Primária
Semente Vigo	Vigo	Infantil

Número de crianças	Nº de trabalhadoras	Número de sócias/os
140	13	475

3. PROJETO EDUCATIVO E LINGUÍSTICO

No Projeto Educativo Semente todas as atividades som desenvolvidas na língua do nosso povo, favorecendo a aquisiçom, conservaçom, cuidado e consolidaçom da mesma. Entendemos o idioma galego como parte indissolúvel da nossa cultura, da nossa

história e do futuro, e nosso defendemos o seu carácter internacional. garantindo aprendizagem das duas normas que atualmente há para a língua do país e criando um de espaço interculturalidade através da integraçom curricular doutras culturas presentes no nosso país.



Sala de aulas da Semente Salvadas, Compostela.



O projeto educativo foi sistematizado sob os princípios da pedagogia crítica e do sócioconstrutivismo, tornando as crianças protagonistas das suas próprias aprendizagens
através do jogo livre, em espaços naturais e nos diversificados ambientes da escola;
mediante obradoiros grupais, de participaçom voluntária; e do método de projetos,
facilitando um achegamento significativo à realidade social, cultural, histórica e natural
do país. Além disto, podemos assinalar sinteticamente as seguintes características:

Coeducaçom: Um espaço de educaçom integral para as crianças com umha educaçom baseada na igualdade de género em todos os aspetos da vida.

Assembleísmo: Um modelo de decisom em que participam dumha forma horizontal pais, maes, professoras e crianças. As educadoras e as famílias mantenhem umha relaçom direta e de confiança.

Interaçom com a natureza e com o bairro: As crianças percebem os valores ambientais da nossa terra no próprio centro educativo através de roteiros, uso da horta, experimentaçom com materiais naturais, etc.

Liberdade responsável: As educadoras confiam plenamente na criança. Respeitam-na como pessoa, acompanhando as suas emoçons e favorecendo a sua autonomia.

Espaço educativo interativo: A educadora é umha mediadora que acompanha a criança no seu processo de aprendizagem. A relaçom pedagógica consiste no provimento das condiçons em que ambas podam colaborar para fazerem progredir essas trocas que favorecem o desenvolvimento integral, apoiando-se num ambiente preparado.

O modelo de conservaçom e imersom da Semente tem por objetivo formar galegofalantes plurilingues. O Projeto Linguístico trata o galego como o eixo principal e garante um desenvolvimento linguístico pleno através das seguintes funçons:

Funçom de identidade: O alunado vem com o galego ou incorpora-o ao pouco tempo.

Funçom familiar: Compromisso de maes e pais de transmitirem a língua, adquirido antes ou depois de entrarem em contato com a escola. Há famílias com membros nascidos em México, Itália, Euskal Herria...



Funçom social: As crianças som as protagonistas do processo de normalizaçom. O galego é a língua de socializaçom. No recreio também se brinca em galego. O alunado mais velho é um modelo e um incentivo para o mais novo e favorece-se a matrícula de crianças galego-falantes. Ademais, um rácio reduzido facilita a criaçom de grupos linguisticamente sustentáveis.

Funçom local: A Semente participa e organiza múltiplas atividades (concertos, jantares, festas tradicionais, etc.) e tornou-se num agente dinamizador cultural fulcral para a expansom do Apalpador.

Funçom nacional: Galeguizaçom curricular no ámbito histórico, artístico e científico. Aliás, promovem-se encontros a nível nacional entre todos os membros da comunidade educativa.

Funçom internacional: A Semente utiliza materiais e recursos dos outros países lusófonos.

3.1. A necessidade da imersom linguística na Galiza

Existem muitas razons sociolinguísticas que explicam a substituiçom linguística que está a experimentar o galego na Galiza, a começar por umha perceçom social da língua galega como umha língua sem futuro, rural e limitadora. As causas desses precoinceitos é a presença na Galiza dumha ideologia espanholista mui forte e com uns altofalantes com grande implantaçom social. Este discurso está mui estendido mesmo entre a populaçom galegofalante menos consciente.

O certo é que, em geral, a sua presença nos centros de ensino urbanos é testemunhal e de má qualidade, salvo exceçons. Nom é estranho para umha criança dumha cidade galega passar o dia sem escuitar nem umha palavra de galego. Umha estratégia de recuperaçom do idioma nas cidades passa pola implantaçom de centros onde as crianças se podam desenvolver livre e plenamente em galego.

3.2. Um método em desenvolvimento

Mas que significa apostar na Imersom linguística? Isto nom é equivalente à utilizaçom do galego como língua veicular. A imersom implica ter como objetivo a aquisiçom da língua por parte do alunado dumha forma ativa e desenvolver as



estratégias ao nosso alcance para que isto seja assim.

Aplicar a imersom linguística na Galiza é, infelizmente, novidoso. Deixando a um lado as razons polas quais isto é assim, temos que indicar que nom encontramos casos nos quais esta metodologia se aplicasse de maneira sistemática no nosso país, polo que nom há umha reflexom prévia sobre como ajeitá-la às caraterísticas sociolinguísticas da Galiza. Temos, portanto, que construir o nosso caminho, sem deixar de beber das experiências que ao longo do tempo e de maneira individual tenhem levado a cabo professoras e professores de todo país.

É um trabalho que estamos a realizar, em constante questionamento e modificaçom. As nossas premissas som, como já indicamos, umha situaçom sociolinguística agressiva a respeito do uso do galego nas crianças. O modelo de imersom da Semente tem que ter, portanto, um enfoque sociocultural, com umha importância central dos processos psicológicos em relaçom com os processos sociais, especialmente visível no tratamento de preconceitos, por exemplo.

A Semente está a procurar o seu próprio processo de investigaçom, experimentaçom e intervençom na imersom linguística, adequado às próprias crianças. Baseamo-nos em estratégias de motivaçons positivas, situaçons de comunicaçons reais, de construçom de identidade linguística, de uso lúdico da linguagem, de valoraçom do plurilinguismo e da interculturalidade, de conhecimento doutras realidades sociolinguísticas próximas à nossa e, portanto, do conflito linguístico.

A Semente é um centro com umha pedagogia crítica. Isto quer dizer que pretende formar indivíduos críticos com capacidade para analisarem a realidade à sua volta. A identifiçom e reflexom sobre conflitos, e sobre o linguístico em particular, fai parte da nossa pedagogia.

3.3. Actuaçons com maes e pais

A primeira medida de intervençom com os pais e maes da Semente leva-se a cabo na reuniom de toma de contato a começo do ano académico, explicitando que um



dos objetivos da Semente é que a criança domine o galego, um galego de qualidade. Umha primeira norma é que no centro a língua habitual é o galego. Pedimos às maes e pais que falem connosco em galego dentro do espaço porque isto fará com que a criança perceba que a Semente é um espaço linguisticamente marcado.

Facilitaremos às famílias um guia sociolinguístico onde explicamos, sempre em positivo, pequenas dicas para reforçarem a autoestima linguística das crianças e onde fornecemos recursos linguísticos (referências a webs e bancos de recursos lúdicos, de lazer ou material educativo na nossa língua). Também realizamos umha enquisa de avaliaçom inicial e umha final que nos permitem chegar a conclusons sobre aspectos sociolinguísticos.

A repetiçom de estímulo positivos ("aproveita a estância na Semente da criança para aprender galego com ela") som umha constante no trabalho da Semente com os pais e maes castelhano-falantes. Listagens de vocabulário facilitam este labor, e tenhem como vantagem acrescentada a estandarizaçom do vocabulário nas casas de galego-falantes, em muitos casos improvisado por falta de conhecimento do léxico relacionado com o âmbito infantil.

3.4. Diminuiçom da pressom linguística em crianças castelhano-falantes

Umha primeira estratégia para o trabalho da imersom é a diminuiçom de pressom linguística sobre o alunado castenhano-falante, por meio de atividades musicais (a

criança que sente vergonha ao falar galego reduz essa situaçom de estresse quando o fala numha cançom, pois nom fai sentido traduzi-la). Também as rotinas ajudam a esta diminuiçom da pressom linguística, e a que o alunado se sinta cômodo e seguro no espaço. As rotinas e rituais ao entrar na sala de aulas e ao começo



Pichelinho. Dinamizador linguístico.

de certas atividades serám favorecidas por esta razom.

Os rituais dam segurança e serenidade. Ajudam à aluna ou aluno a atingirem o



estado mental idóneo para abordar umha nova tarefa. O ritual de entrada na aula pode ser umha cançom, acompanhada dumha entrada coreografada, ou qualquer outro recurso que faga a mesma funçom. Naturalmente, precisaremos que se repita no mínimo durante um período de tempo o suficientemente longo como para que as crianças o integrem e cumpra a sua funçom tranquilizadora e, neste caso, de associaçom entre o espaço e a língua.

O uso de dinamizadores linguísticos pode rebaixar também a tensom linguística. Um exemplo pode ser Pichelinho, umha personagem em forma de fantoche que aparece polo Centro de Compostela como introdutor de atividades. Pichelinho só sabe o seu idioma, falado num distante país, e algo de galego, mas quer apreender mais. Pede às crianças ajuda para melhorar. A implicaçom nesta atividade das nenas e nenos, nomeadamente daquelas castelhano-falantes, implica a necessidade de utilizarem o galego sem umha marca, pois nom podem expressar-se em castelhano com Pichelinho, já que nom conhece esta língua.

3.5. Metodologias cooperativas

Nas aulas, o uso de metodologias cooperativas entre as crianças, especialmente entre crianças de diferentes idades, permite que encontremos aliados e aliadas entre os nenos e as nenas mais velhas para a normalizaçom do galego. Instamos às mais velhas a ajudarem àquelas crianças mais novas, por meio de metodologias participativas como a aprendizagem cooperativa. Como em todas as metodologias interativas, existe um duplo benefício ao transpassar o labor de "docente" a um aluno ou aluna. O primeiro e mais evidente é que à criança mais nova lhe chegam os conteúdos através dum igual. Do ponto de vista linguístico isto tem a vantagem de que a criança nom o vê como umha imposiçom do professor; ajuda a "naturalizar" o uso do galego, a fazê-lo mais ambiental do que circunstancial. O segundo benefício é que a criança mais velha, polo facto de ter que explicar à nova, precisa de desenvolver as suas habilidades linguísticas para além das que habitualmente utiliza com o professor/a.

Ponhamo-nos por uns instantes no lugar dumha criança de dous ou três anos que chega à escola, onde todo o mundo fala umha língua distinta. O facto de que haja



um companheiro ou companheira que lhe ajude na adquisiçom deste novo idioma será importante para ela. Mas quando esta criança tiver 4 ou 5 anos, viverá com orgulho poder ajudar a umha nova companheira/o que acaba de chegar à Semente. Por outra parte, do ponto de vista das crianças que entram na escola falando galego, o reforço linguístico que acarreta este tipo de metodologias é evidente. Por este motivo e outros benefícios pedagógicos, os grupos som intergecionais.

3.6. A direçom do professorado.

Durante os primeiros meses de aulas o professorado tem um papel protagonista, nomeadamente para encher o mais possível o espaço sonoro e pôr em contato o novo alunado castelhano-falante com o galego. A aquisiçom de vocabulário também é especialmente importante nesta etapa. A partir destes meses iniciais, as atividades livres e autogeridas incorporam-se até fazer destas dinâmicas partes mui importantes do processo de ensino-aprendizagem.

O processo de imersom é um método que tem em conta o fator sócio-afectivo de cada criança em particular, por exemplo fatores como a segurança pessoal, autoestima, autoimagem... Neste sentido é importante nom corrigir à criança nem marcá-la negativamente quando fala em castelhano, mas temos que ajudá-la a encontrar as palavras para poder dizê-lo em galego. Existe umha grande diferença entre dizer "aqui nom falamos em castelhano" que "em galego dizemo-lo assim, a ver como mo dis". Trata-se de ajudar através de estímulos positivos.

3.7. Valorizaçom do plurilinguismo e da interculturalidade

Na Semente gostamos de todas as línguas. Temos várias bibliotecas com livros de todas as partes do planeta. Aliás, apreciamos umha imensa riqueza cultural em cada umha delas. Isto transmite-se às crianças com atividades, como as trocas de correspondência com escolas doutros países, aprendizagem de hábitos culturais diferentes, conhecimento doutras línguas... Esse respeito e carinho por todas as culturas do mundo também se torna em respeito e carinho pola própria e revela a situaçom de injustiça à que está sometido o nosso idioma, como primeiro passo sobre umha reflexom linguística.



3.8. Enquadramento na lusofonia

A este respeito, na Semente joga um labor fundamental o enquadramento da realidade linguística galega na lusofonia. As crianças aprendem que a sua língua é falada noutros lugares do mundo com sotaques e expressons diferentes. O contato com a produçom cultural desses outros países será constante e ajudará ao reforçamento da autoestima linguística no futuro, combatendo o argumento da limitaçom do nosso idioma. Todas as crianças da Semente, na medida em que avançam no processo de leito-escritor, conhecem as duas normativas nas quais se escreve o galego.

3.9. Avaliacom

A avaliaçom da aquisiçom da língua por parte do alunado tem um lugar nas avaliaçons trimestrais que o professorado elabora. Junto com estas avaliaçons e os dados extraídos dos inquéritos linguísticos inicial e final, ao final do ano académico elabora-se um informe linguístico, que avalia a consecuçom dos objetivos e propom modificaçons.

A Semente está formada apenas por cinco centros na Galiza, mas como todas as sementes, tem a potencialidade dumha fraga no seu interior. E tem umha misom: assegurar que o nosso idioma perviva e se estenda, recuperando o espaço que lhe foi furtado.

4. GESTOM

O Projeto Semente tem um carácter comunitário, isto é:

1º É um **projeto nom lucrativo**, por isso precisamos do contributo das sócias através dumha quota mensal que garanta a estabilidade do projeto.

2º É um **projecto democrático**, aberto a participaçom de todas as sócias através das assembleias, grupos de trabalho e comissons (organizativa-económica, pedagógico-linguística, etc.).

3º **Nom é preciso ser usuário do serviço**, já que entendemos que a criaçom dumha escola de imersom linguística em galego e com um modelo de educaçom transformadora é umha necessidade social para a comunidade galego-falante.




5. DINAMIZAÇOM CULTURAL

A rede de centros Semente nom contribuiu apenas para o desenvolvimento linguístico das crianças como um "safe space" ou "espaço seguro", tal e como Fishman tem nomeado os lugares onde umha comunidade linguisticamente menorizada pode dar-se um respiro reparador no seu idioma, evitando que os seus membros sejam singularizados, incomodados ou atacados. Ademais, conseguiu outros logros como a dinamizaçom do nosso mais senlheiro património imaterial cultural associado ao solstício de inverno, a saber: o Apalpador. A popularizaçom do pandigueiro está singularmente ligada aos centros Semente e às redes associativas e insitucionais que se fôrom constituindo para a sua divulgaçom.





Recebimendo do Apalpador en Compostela



Cartaz de bem-vinda ao Apalpador en Lugo



Outro âmbito de dinamizaçom cultural é o associado à **regueifa**, estando esta vinculada à promoçom de valores ligados à defesa do comum, o feminismo e o ambientalismo. Atualmente, há grupos de regueifa em diferentes Sementes e esta bonita tradiçom costuma estar presente na maior parte de festas e atividades sociais da associaçom.





Vídeo das Regueitubeiras

Cabaleiras da Ulha. Compostela

Durante todo o ano desenvolvem-se, ademais, diferentes atividades extra-escolares que visam construir um espaço de ócio e tempo livre em língua galega. Assim fôrom criadas diferentes atividades como: teatro, relaxaçom, cozinha, música em família, circo, etc. e também grupos desportivos e de aventuras.



Cartaz de actividades. Trasancos



Cartaz de fútbol Gaélico. Compostela



A recuperaçom e dinamizaçom de festas e ritos ligados à cultura galega nas diferentes estaçons do ano é um dos pontos essenciais do Projeto Educativo Semente. Neste sentido é salientável a recuperaçom do entruido das merdeiras/os, em Vigo; as cabaleiras/os do Ulha, em Santiago; o Urso de Salcedo, em Lugo; assim como outros ritos e festas: os maios, o dia de Rosalía, Letras Galegas, festivais, etc.



Merdeiras/os. Semente Vigo.



Cabaleiras/os da Ulha, Compostela.



Dia de Rosalía. Semente Lugo.



Samaim. Semente Corunha.



Os Maios. Semente Trasancos.




Festival Agroqueer. Semente Lugo.



6. PRODUÇOM EDITORIAL

Entre os objetivos da Semente, encontramos num lugar destacado a **produçom de material educativo em língua galega**. Ao longo destes anos publicamos, entre outros, os seguintes recursos:















7. COESOM DA COMUNIDADE GALEGO-FALANTE

Um dos problemas que tenhem as comunidades linguisticamente menorizadas como a galega, especialmente em contextos urbanos, é a falta de espaços para a socializaçom das crianças em língua galega em contextos informais. Neste sentido, a comunidade Semente colaborou em diferentes cidades na criaçom de grupos de famílias para brincar em galego, onde também há crianças que estám escolarizadas na escola pública. Além disto, afortalou-se a criança cooperativa, contribuindo para a desmercantilizaçom dos cuidados e a construçom de vínculos mais fortes entre a comunidade galegófona.



Atividade de dança aberta às famílias lucenses. Semente Lugo.

8. DESAFIOS PARA O FUTURO

Som múltiplos os reptos que afrontamos como organizaçom, ainda que também somos cientes dos grandes avanços que logramos em tam pouco tempo. No curto e médio prazo procuramos atingir os seguintes objetivos:

- Profissionalizar áreas de trabalho nom docentes.
- Consolidar a estrutura nacional.
- Aumentar centros e etapas educativas.
- Conseguir maior estabilidade económica.
- Melhorar a comunicaçom interna e externa do projeto.
- -Aprofundar vínculos com instituiçons e entidades com que partilhamos objetivos, quer a nível nacional, quer internacional, como Ikastolen Elkartea.